



Danas je u Sarajevu održan radni sastanak Federalne ministrice okoliša i turizma, Nasihe

Pozder i njenih suradnika, sa županijskim ministrima okoliša. Na sastanku su prezentirane aktualne aktivnosti Ministarstva, s akcentom na nedavno usvojenu Strategiju o zaštiti okoliša FBiH, kao i opredjeljenja, te planovi za budući period.



Županijski ministri prezentirali su svoje izazove, sa fokusom na trenutno neadekvatno tretiranje svih vrsta otpada, ali i akcije u cilju unapređenja kvalitete zraka, ali i iskazali spremnost da se pridruže procesima koji će dovesti do povećanja postotka zaštićenih područja gdje je neophodno unaprijediti koordinaciju i s općinama i gradovima u FBiH. Ministrica Pozder je također informirala prisutne o povećanju proračuna Federalnog ministarstva za okoliš i turizam, te o značaju i mogućnostima efikasnijeg korištenja dostupnih sredstava kroz bolju koordinaciju svih nivoa vlasti. Ono što može biti dodatna vrijednost jesu mogući zajednički projekti koji su kreirani na prioritetnim oblastima i akcijama, poput strateškog upravljanja otpadom. Usuglašen je i zajednički pristup po pitanju unapređenja legislativnog okvira. Tako će Ministarstvo u radne grupe za izradu zakonskih i podzakonskih akata koji su u proceduri, kao i u Savjetodavno vijeće za okoliš, uključiti i predstavnike županijskih ministarstava. Na kraju, svi sudionici su iskazali spremnost za bolju koordinaciju i održavanje redovnih sastanaka na kvartalnom nivou.





